

erblichen gebruchen er und alle seyne nochkomelinge. Ouch hab ich ym vorgunst in meynem hindern hofe und das thorhaws und den weg darczu aus unde eyn czu gebrauchen und des brawhaws auch —, *ferner* zcu bawen von seynen reynen und wenden oben in meyne steynene mawern ader wende, also vor dareyn gebawet ist gewest —. So aber der — bergmeister ader seyne erben worden sulch haws vorkouffen —, so sal ich ader meyne nochkômelingelinge sulchen rawm volgen lasen un- 5 gehindert, als is — Ha. Clugen — gelasen ist, is were denne, das dieselben, die sulch haws koufften, nicht frundlichen ader nockbarlichen halden worden kegen — N. Weller ader seynen erben, so sullen sie des rawmes unde gebeudes stucke unverbunden czu halden und vor keyne gerechtikeit czu haben, doch mit sulcher underscheid, das eyner dem andern nicht eyn schuld funde ane orsache noch durch neyd ader hasses willen, sunder is sal eyn stadvoyt mit den getrawen scheppen irkennen, das is eyne 10 rechte orsache sey, darumbe sulcher vortrag gebrochen sey, so sie sich selber beide part nicht vortragen konden. Und den vortracht noch lawt des briffes sal man auch in das stadbuch schreiben umbe meher sicherheit willen —. Des zcu urkund — hat N. Weller eynen vorsigelten briff darober gegeben — am sonnabende vor Michaelis.

fol. 206. **216.** (*Oct. 27.*) In vigilia apostolorum Symonis et Iude —. Margareth Ha. Resigers 15 tochter — hat — vor mir vorzicht gethan von irs vaters haws wegen, also das sy Ha. Schottener und die seynen nymmermehr darumbe wil anlangen noch fordern lasen in keyner weise, sundern sich des — vorczigen hat in kegenwertikeit irs vettern Clement Resiger. Item Clement Resiger hat seyn haws czu burgen eyngesaczt vor das unmundige kynd seynes brudern —, das do heist Clement Resiger, so lange bis es mundig wirdt und vorzicht thuet als von seyns vatern haws gen — 20 Ha. Schottener. Auch so hat N. Hoffman richter czu der Hoentanne burgen gesaczt Schottenern vor das obgnante unmundige kynd nemlichen Sym. Awerbach und Ha. Eberhart, und wen eyner von den czweyen storbe, so sal er ym in eyne monden eynen andern setzen so lange auch, bis das kynd mundig wirdet und vorzicht gethuet. Wenne das danne geschyt, so sullen die burgen ledig und loß seyn —. 25

217. A. d. $\mathfrak{X}^{\circ}$. LXXVII r hat der ersame rath — meister Iorgen Richter dem sneider das haws, das Luc. Ruckßuffs seligen gewest ist, neben dem barbirer gelegen, mit willen, wissen unde ge- heiße Luc. und Casp. Schonbergs als nehste vormunden mutterhalben Ruckßuffs verlaßen kinder recht und redelichen vorkoufft und ym das in gerichtsbuch hynfuder geruglichen czu besitzzen und des noch seyner nottorfft und seynem wolgefallen nach gewonheit unßer stad und unßerm stadrecht 30 czu gebrauchen schreiben lasen. Haben darneben angesehen, das der gnante Luc. Ruckßuff eyn große summa geldes und vil mehr danne sulch haws wirdig schuldig bliben was, dardurch dy schul- diger das mit rechter gerichtsforderung erlanget hatten und gehulffen haben wolden, des man yn fuder nicht abeslahen noch gewegern konde, auch das sulch haws der stad czu ferlicheit und schaden wuste lag, sulchs schadens czu warten danne dem rathe nicht fugen wolt. Sulch haws danne der 35 gnante Iorge Richter gnuglich bezalt und das geld davor in rath geantwert hat.

fol. 206^b. ***218.** (*1478 Nov. 2.*) Am nehsten dinstag nach Simonis et Iude hat — Hennig Regenbogen von Meideberg gekoufft eyn halp czweidreissigteil czun Heiligen Drey Konigen in der fundgruben czum Risenberge wider den vorsichtigen Ioc. Awnhans nemlichen vor funffzig fl. R. und umbe eynen silberen becher, sunder in sulcher weiße, wenn Ioc. Awnhans eyn weib nymmet, so sal er das Hennige 40 kunth thun und yn czu seyner wirtschafft biten. Lebet er dann, er sey wo er sey, wenn ym sulche botschafft kunth wirdt, so sal er komen czu seyner wirtschafft und ym dann sulche obgnante funffzig fl. R. in eyne silbern becher schencken und oberbeczalen unvorczogenlich. Were er aber underdes, ehr er eyn weib neme, gestorben, so sal und mag Ioc. Awnhans sich an Hennigs gutern irholen, wo er die irfaren mag, noch lawte seyner eigen hantschrift ym darober williglichen gegeben. Item so 45 hat — Hennig abegekoufft — Ioc. Awnhans eyn gancz czweidreissigteil in der Flinczheide in der fundgruben, nemlichen vor eynen last heringen, ym den antworten sal uffs neue iar czu Lipczk ader acht tag darnoch ungeverlichen. Wenn er ym dann sulchen geantwortt, so sal ym Awnhans dann